

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

1072
916

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-01702/19
Sarajevo, 12.07.2019. godine

Bosna i Hercegovina
Federacija Bosne i Hercegovine
KANTON SARAJEVO
16.07.2019

PRIMALJENJE			
Organizaciona jedinica	Klasifikaciona oznaka	Redni broj	Broj paketa
01	05	8345-42	

19

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
n/r, predsjedavajućeg, Elmedina Konakovića

Predmet: *Odgovor na zastupničku inicijativu broj: 01-05-8345-42/19 od 28.03.2019 godine pokrenutu od strane zastupnice Vildane Bešlije - dostavlja se;*

Kantonalna uprava za inspekcijske poslove Kantona Sarajevo, dana 04.04.2019. godine zaprimila je zastupničku inicijativu podnesenu od strane zastupnice Vildane Bešlije na Šestoj radnoj sjednici Skupštine Kantona Sarajevo, održanoj dana 26.03.2019. godine u okviru tačke Dnevnog reda "Poslanička /zastupnička pitanja, inicijative i odgovori" a u skladu sa Poslovníkom Skupštine Kantona Sarajevo koja glasi

" Na osnovu člana 106. Poslovníka Skupštine Kantona Sarajevo ("Sl.novine Kantona Sarajevo"br. 25/10,14/11,19,11,7/12,26/12) upućujem zastupničku inicijativu za pojačan inspekcijski nadzor nad sječom šume u Općini Hadžići".



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Na podnesenu inicijativu dajemo slijedeći

ODGOVOR :

Shodno odredbama Zakona o šumama Kantona Sarajevo („Službene novine Kantona Sarajevo“ broj: 5/13), neposrednu zaštitu državnih šuma i šumskog zemljišta koja se odnosi na čuvanje šuma od: šumskih požara i drugih elementarnih nepogoda, biljnih bolesti i štetočina, bespravnog prisvajanja i korištenja i drugih protivzakonitih radnji, kao i kontrolu korištenja i prometa šumskih proizvoda iz privatnih šuma, vrše čuvari šuma koji organizacijski djeluju unutar Uprave za šumarstvo, pri Ministarstvu privrede Kantona Sarajevo.

Kantonálni šumarski inspektori na osnovu čl. 65. do 69. istog zakona vrše inspekcijski nadzor nad primjenom istog.

U navedenim odredbama zakona je propisano, između ostalog, da šumarska inspekcija kontroliše zaštitu šuma koju provodi Uprava za šumarstvo, s tim da sankcije niti bilo kakva odgovornost za postupanje čuvara šuma nije propisana navedenim zakonom.

Kada je u pitanju stanje bespravnih sječa na području općine Hadžići, potrebno je napomenuti da je Uprava za šumarstvo na navedenom području organizovala čuvarsku službu.

Međutim, upravo zbog nezakonitog obavljanja poslova čuvanja šuma od strane određenog broja čuvara šuma, u martu 2017. godine nadležno kantonalno tužilaštvo je pokrenulo istragu određenih nezakonitih radnji, kada je pritvoreno, a potom i suspendovano pet čuvara šuma, čija suspenzija traje i danas. Zbog naprijed navedenog teren i rejonski čuvari nisu pokriveni na adekvatan način sa dovoljnim brojem izvršioaca. Iz tog razloga Uprava za šumarstvo u okviru smanjenog broja čuvara, pojedine čuvarke šuma raspoređuje na dva i više rejona, zatim povlači čuvarke sa drugih općina i drugih rejona za koje vrijeme ostaju njihovi redovni rejoni nepokriveni čuvarskom službom.

U cilju suzbijanja bespravne sječe šuma na području Općine Hadžići, potrebno je istaći da šumarska inspekcija redovno poduzima mjere iz svoje nadležnosti i o zatečenom stanju pravovremeno informiše nadležno resorno Ministarstvo privrede i Upravu za šumarstvo.

Inspekcija je u toku 2017. godine izvršila 124 inspekcijska nadzora koji su se odnosili na zaštitu šuma i bespravnu sječú šuma..

U 2018. godini su izvršena 102 inspekcijska nadzora na navedene okolnosti. U svim slučajevima kada su inspektori utvrdili bespravnu sječú šume obaviještena je Upravu za šumarstvo, čiji predstavnici su bili prisutni inspekcijskom nadzoru, a u slučajevima kada su inspektori nailazili na bespravne sječe bez prisustva čuvara šuma o tome su sačinjavali službene zabilješke i iste prosljeđivali Upravi šumarstva.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U slučajevima kada su šumarski inspektori pronalazili izvršioce bespravnih sječa šume na licu mjesta ili su na drugi način dolazili do saznanja o izvršiocima bespravnih sječa, preduzimali su mjere u okviru zakonom datih ovlaštenja i pored pokretanja prekršajnog postupka vršili oduzimanje bespravno posječenog drveta.

U 2017. godini pokrenuta su 52 prekršajna postupka izdavanjem prekršajnih naloga koji su se odnosili na bespravnu sječe šume u kojima su izrečene novčane kazne u ukupnom iznosu 14. 600,00 KM.

U 2018. godini je pokrenuto 46 prekršajnih postupaka izdavanjem prekršajnih naloga koji su se odnosili na bespravne sječe šuma u kojima su izrečene novčane kazne u iznosu 17. 400,00 KM.

Nakon što je zaprimljena zastupnička inicijativa kojom se traži pojačan inspekcijski nadzor nad sječom šume u Općini Hadžići, direktor Uprave je donio Naredbu broj: 14-02-05-01702/19 od 08. aprila 2019. godine, kojom se obavezuje glavni inspektor poljoprivredne, vodne i šumarske inspekcije da organizuje kontinuirane pojačane inspekcijske nadzore u oblasti šumarstva na okolnosti sječa šume na području Kantona Sarajevo, a posebno na području Općine Hadžići. Pojačani inspekcijski nadzori podrazumjevaju rad šumarskih inspektora u dvije smjene kao i u dane vikenda i dane državnog praznika.

O stanju i preduzetim mjerama, glavni inspektor je dužan jednom sedmično pisanim putem informisati direktora Kantonalne uprave za inspekcijske poslove, a po ukazanoj potrebi i druge organe.

Na kraju ističemo da je u cilju poboljšanja stanja u navedenoj oblasti potrebno pristupiti izmjenama i dopunama postojećeg Zakona o šumama Kantona Sarajevo, na način da se u zakonu propišu sankcije za čuvare šuma u Kantonalnoj upravi za šumarstvo, kako bi šumarski inspektori mogli preduzimati mjere prema Upravi za šumarstvo i čuvarima šuma ukoliko ne obavljaju čuvanje šuma na propisan način. Napominjemo da smo inicijativu za izmjenu Zakona o šumama Kantona Sarajevo u tom dijelu već podnosili, međutim ista koliko nam je poznato nije razmatrana.

S poštovanjem,

Dostavlja se:

- ① Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

